

舌擊編

卷三

新解卷三

PDG

舌擊編卷三

會稽栗山沈 儲蒙

姪

樛子牧

楨子貞 較訂

男寶榆春樹

連日接奉稟函。所論辦理逆匪情形。按切機宜。洞若觀火。與鄙意不謀而合。團練數語。更為確切。不磨殊深欽佩。無如招撫之議。異口同聲。牢不可破。懦帥亦藉此擁兵坐食。遂其恇怯之心。故勤以進兵。不啻視如仇敵。地方軍務均已置之不顧。茲知閣下已將此稟通牒大府。弟亦將實在情形。兩次具稟。並將尊函抄致□□。俾得備知委曲。應剿應撫之處。聽候憲裁。此時若輩固結為朋。惟我

二人獨特異議。安能挽此頽波。此亦逆匪不應殄滅。地方不應平靜。無可如何。付之浩歎而已。頃閱□□致□□信。中有爐內潘姓已經搬徙。其知畏亦可概見云云。殊堪一笑。又有撫局尚未能定。仍嘗示之以威等語。似亦知招撫之不能了事。然既經具結。不知如何示威耳。弟意潘姓搬避。逆倭等必襍入其中。但不知從何處竄逸。務祈閣下就近密探確踪。飛速示悉。至要至禱。咸豐四年四月初四日復南安。

敬稟者。竊卑署府業將剿辦逆匪情形具稟鈞鑒。惟現在在事文武營縣紳士無不以辦理團練為名。專事招撫。因卑署府與南邑□令獨持異議。羣以為非。據□令以將弁多中材。士卒盡疲弱。無論其見賊輒退。即士皆用命。而以少勝多。恐非所能。應博採群策。未便置撫議于不問。其言寔為切中時弊。然卑署府之意並非專剿而不撫也。誠以南邑土匪積惡多年。歷來地方官下鄉查辦。因起釀成事端。無不顛預了事。此次既與兵動。眾亟應將助賊惡鄉剿洗一二。稍振兵威。使匪類知所畏懼。然後遍加撫慰。許其悔罪。歸誠。雖不能長治久安。亦可保目前無事。非謂禽獮草薶必盡殺乃止也。自古法立而後知恩。令行而後禁止。若一意撫摩。冀其解。

散○而○此○輩○凶○頑○性○成○不○知○畏○威○何○以○望○其○感○德○大○兵○一○撤○作○惡○依○
然○再○剿○則○失○信○千○民○不○剿○則○後○患○滋○甚○玩○寇○遺○殃○伊○誰○之○過○且○團○
練○一○事○地○方○官○紳○士○應○籌○辦○于○賊○氛○未○至○之○先○以○保○鄉○里○而○杜○竄○
擾○今○則○逆○匪○近○在○咫尺○窩○藏○盡○有○主○名○助○逆○已○有○寔○跡○乃○不○能○迅○
事○殲○除○猶○復○空○言○團○練○而○統○兵○大○帥○則○坐○擁○數○千○人○安○然○坐○視○縻○
餉○勞○師○恐○亦○不○成○事○體○昨○准○□○總○鎮○來○函○諄○諄○以○乏○餉○為○慮○卑○署○
府○以○籌○餉○為○分○局○專○責○倘○有○缺○乏○罪○不○敢○辭○若○剿○辦○遲○延○逆○匪○竄○
逸○則○統○軍○者○亦○不○得○諉○其○咎○嗣○復○准○函○送○黃○姓○甘○結○二○紙○卑○署○府○
復○力○言○其○非○請○將○此○結○擲○還○勒○令○該○紳○耆○指○出○匪○踪○領○兵○搜○捕○或○
將○此○次○撲○營○及○從○前○著○名○惡○匪○緝○送○數○人○再○行○具○結○復○閱○□○□○□○

侍御函致○口署令○以現在各鄉皆出公約○一禁搶劫以安商旅○一
解宿怨以和鄉隣○一聯保甲以救患難○一嚴稽查以杜勾引○一勸
捐題以備公用○一修器用以備訓練○此六條皆及時要務等語○卑
署府以謂尤要者○再加擒逆匪以贖前罪○一條則虛者○皆是而偽
者○皆真○否則仙游烏白旂各鄉○未始不辦團練○未始不具結狀○僉
稱助官臨時實皆助賊○前車不遠而覆轍是循○不幾為黠賊所竊
笑乎○今衆人專主撫而不剿○而卑署府獨以謂必先剿而後撫○已
屬大拂衆心○因之近日所有逆匪信息○均隱匿不相知會○卑署府
雖責任專城○寔則幾同局外○然書曰○三人占則從兩人之言○卑署
府並不敢以一人之管見○勝于衆議之僉同也○倘能仰賴國家洪

福○辦○理○有○成○逆○匪○得○以○就○擒○地○方○得○以○平○定○卑○署○府○亦○斷○不○敢○分○
功○竊○恐○受○其○玩○弄○息○我○軍○心○該○逆○等○從○容○布○置○竄○擾○他○處○並○窩○藏○
助○逆○者○均○相○挈○而○從○亡○羊○補○牢○悔○之○已○晚○否○則○不○剿○不○辦○而○以○數○
千○兵○勇○坐○食○經○時○以○艱○難○羅○掘○之○餉○銀○供○此○無○益○之○浪○費○亦○堪○痛○
惜○第○此○時○招○撫○之○議○在○事○者○異○口○同○聲○罕○不○可○破○非○卑○署○府○一○人○
所○能○力○挽○不○得○不○將○寔○在○情○形○稟○候○大○人○察○核○機○宜○應○剿○應○撫○之○
處○札○飭○辦○理○或○特○委○威○望○大○員○來○泉○督○辦○庶○可○迅○奏○膚○功○免○蹈○老○
師○糜○餉○之○弊○地○方○幸○甚○愚○昧○之○見○伏○乞○訓○示○祇○遵○臨○稟○不○勝○激○切○
惶○悚○之○至○卑○署○府○謹○稟○咸○豐○四○年○四○月○初○四○日○

日昨泐復兩函。諒遼霽鑒。南邑軍務大辦。團練竟置逆匪于不問。自在事文武紳士及郡中營縣異口同聲。專意招撫。惟弟獨持異議。因此大拂衆意。所有逆匪信息均隱匿不使弟知。第如此情形。明係怠玩軍心。致逆匪從容他竄。即不然而不剿不辦。以數千兵勇在彼坐食。何苦以艱難羅掘之餉銀供此無益之浪費。反不如盡行撤兵。委諸紳士辦理團練。反可少省糜費耳。茲將陳□□致□□函信並□□來稟照抄呈覽。可知一切。查□□信中有撫局尚未可定。仍當稍示之以威云云。似亦知撫局之不可恃矣。然既經具結。不知何以示威耳。□鎮軍本係懦帥。自有招撫之議。適遂其恇怯之心。故勸令進兵。不啻視如仇敵。但此時衆意僉同。牢不

可破。弟疎生無助。何能力挽頽波。現已將寔在情形。懇切具稟。應
剿應撫。聽候憲裁。至稟請特委威望大員。來泉督辦。明知此事萬
不能行。然必如此。或可免老師糜餉之弊耳。頃聞傳聞逆倭已由
大羅溪竄逸。不知去向。真偽雖在未定。然如此辦法。明是縱令脫
逃。實堪忿懣。□□凡人雖直率。然勇往奮發。寔為有用之材。此時
到處擠排。幾無容身之地。即如數日前。紳士李□□函致弟與營
縣。以□□在羅溪准收黃姓具結。從此大事不堪復問。伊當知難
而退。以免徒費兵餉等語。不啻大聲疾呼。營縣聞然。以為事被□
弄壞。□□即囑弟專函戒飭。嗣復接□□來信。以黃姓具結。□
不收而止。至□鎮軍收取黃姓甘結。則無一言議其非者。若輩

諸事以好惡為是非。即此一端已可概見。□□平日雖有威名。第
現在身為怨府。事事掣肘。恐將來難以辦理。並望閣下轉稟大憲。
迅委幹員前來接署。以重地方。是所至禱。咸豐四年四月初四日
致福州府

昨奉環雲承示一切辦理情形具微老成卓識動出萬全實深欣
佩惟鄙意並非款多殺不辜傷好生之德誠以南邑土匪稔惡多
年久已目無法紀此次復敢直犯大營寔屬罪大惡極無論其有
無窩藏逆匪即將該鄉先行剿辦以振兵威來諭剿一鄉而各鄉
盡變此事亦不可不防似宜大張曉諭聲明該鄉所以應剿之故
與各鄉並無干涉惟有前來幫助者必一併剿洗即該鄉內有安
居在家者亦屬良民惟手執器械抗拒者盡行剿殺該匪徒等雖
兇頑性成未始不畏誅戮似此明白曉諭各人自顧身家諒不致
盡行助逆但得軍威一振則畏死之徒與貪功之輩必有指出逆
匪踪跡或擒獻以為邀賞之地者若一味施恩專事招撫恐該匪

等陽言歸附。急我軍心。暗中為逆匪從容布置。遷延日久。而逆匪
又竄逸他往。亡羊補牢。又須大費周折。弟之所慮者。惟在此耳。然
弟遙相揣度。究屬紙上談兵。閣下親履戎行。必能察度機宜。得心
應手。俾兇渠授首。反側歸誠。上紓大憲之憂。下慰士民之望。玆聽
凱音。昌勝盼切。至弟職司分局。籌供兵餉。責不容辭。但支應浩繁。
羅掘不易。惟望速施韜畧。迅奏膚功。則受賜寔非淺鮮耳。咸豐四
年四月初六日復 鎮臺

敬稟者。月前接奉鈞函。並清軍一紙。備悉水師未能撥派情形。飭
即就近募勇等因。仰見籌畫周詳。寔深銜感。逆倭等竄匿南邑六
甲七都等鄉。窩藏者為潘黃二姓。賊夥僅二百餘人。勢已窮蹙。該
處土匪附和者。雖多寔則視剿辦之寬嚴。以為向背。□鎮軍自帽
頂寨折回永春。經卑署府疊次催請。始于前月二十八日。帶兵前
來甫抵埔頭。即有賊匪數百。直犯大營。幸被官兵擊退。拏獲四人。
正法。鎮軍因此處賊勢衆盛。心懷懼怯。而助虐紳耆。復藉團練為
名。令各鄉具結。冀以招撫了局。一切情形。無一不蹈仙游覆轍。致
旬日以來。逆匪踪跡。反茫然不知所在。使能於大兵初到時。向各
紳耆嚴究賊踪。並將助逆惡鄉。剿洗一二處。兵威一振。則指引緝

送均有其人。祇以辦理失宜。致全局盡行鬆懈。更慮頑兵日久。銳氣漸衰。非別滋事端。即逆匪他竄。糜餉勞師。更所不免。且□侍御。□司馬諸公。俱力主招撫。在事文武營縣。異口同聲。不復言剿。惟卑署府謂。必先剿而後撫。曾函致□鎮軍。痛切直陳。南安□令。亦力持是議。而衆口如簧。非一人所能力挽。現已將寔在情形。具稟大憲。應剿應撫。聽候憲裁。第逆匪近在咫尺。卑署府身任地方。不能迅速殲除。實深慚憤。□鎮軍因奉到督憲札飭。於昨日移營爐內。潘姓鄉中。頃又聞有移營大羅溪之舉。能否得手。尚難預定耳。分局經費。早經水盡山窮。近日南安兵勇。不下五六千人。每日需銀四百兩。月初蒙省局撥解現銀三千兩。票銀三千兩。銀票一時

無從行使。而現銀亦僅敷五六日支應。雖又奉撥解銀三千兩。尚未知何時解到。連日搜羅捐輸等項。盡為無米之炊。為日正長。不知如何以為繼。惟願仰邀福庇。迅奏膚功。則地方之萬幸耳。聞灌口係逆匪從海上逃回。復行煽惑。必得憲節親臨。嚴行剿辦。始足以杜絕亂萌。未卜定于何日出師。三都捐輸。能否起色。殊深系念。卑署府謹稟。咸豐四年四月初八日。稟水提臺。

Blank page with a large rectangular border.